

UCAPAN YAB PERDANA MENTERI, DATO  
HUSSEIN ONN, KETIKA MENGUMUMKAN  
RANCANGAN PINDAH HAKMILIK SAHAM  
MILIKAN KERAJAAN KEPADA BUMIPUTRA  
PADA 9HB. JANUARI, 1981, JAM 10.00  
PAGI, DI DEWAN TALKLIMAT, JABATAN  
PERDANA MENTERI

---

1. Yang Amat Berbahagia Tun-Tun;
2. Yang Berhormat, Menteri-Menteri,  
Timbalan-Timbalan Menteri,  
Menteri-Menteri Besar,  
Ketua-Ketua Menteri dan  
Ketua-Ketua dan Wakil-Wakil Parti  
Komponen Barisan Nasional,
3. Dif-Dif Kehormat,
4. Tuan-tuan dan Puan-puan sekalian.

Bagi Malaysia, di mana rakyatnya terdiri daripada masyarakat berbilang kaum, asas kestabilan dan perpaduan yang kukuh, adalah faktor yang penting. Asas ini, akan menjamin wujudnya satu rupa bangsa yang utuh dan masa depan negara yang cemerlang. Ia menjadi lebih-lebih lagi penting, di dalam keadaan di mana terdapat perbezaan kedudukan dan kemajuan antara kaum, di dalam bidang-bidang tertentu. Faktor sejarah, sistem politik dan pentadbiran sebelum merdeka, dan suasana sosio-ekonomi di kalangan rakyat berbilang keturunan, telah mewujudkan jurang perbezaan yang nyata di antara kaum-kaum

2.

di negara ini.

2. Dasar Ekonomi Baru yang dilancarkan dalam tahun 1970, merupakan satu usaha utama bagi mencapai matlamat perpaduan negara. Ianya bertujuan untuk mengimbangkan kedudukan antara kaum, melalui strategi membasmi kemiskinan dan menyusun semula masyarakat. Landasan ini, akan menjadi asas kemakmuran yang lebih lagi bagi rakyat, dalam jangka panjang. Salah satu daripada matlamat Dasar Ekonomi Baru ialah, dalam masa dua puluh tahun sehingga tahun 1990, kaum Bumiputra akan memiliki sekurang-

... 3/-

3.

kurangnya 30 peratus daripada jumlah saham-  
di dalam syarikat berhad. Tujuannya ialah untuk  
membetulkan keadaan yang tidak seimbang, dalam  
pemilikan saham di kalangan Bumiputra dengan  
bukan Bumiputra.

3. Di dalam tahun 1971, hakmilik saham  
individu Bumiputra dan agensi amanah ialah

4.3 peratus sahaja daripada jumlah saham  
syarikat berhad. Ini berbanding dengan 34 peratus,  
saham milik Bukan Bumiputra. Kerajaan telah  
berusaha menggalak penyertaan Bumiputra di  
dalam kegiatan ekonomi. Seterusnya, sebagai

...4/-

4.

usaha menyusun semula masyarakat, dan bagi menambah pemilikan saham oleh Bumiputra, Kerajaan telah menubuhkan beberapa perbadanan atau agensi amanah, syarikat-syarikat milikan dan usaha sama, serta membuat pelaburan saham di dalam syarikat-syarikat tertentu. Tindakan ini adalah dengan tujuan supaya, pada satu masa yang sesuai, saham-saham yang dipegang secara amanah oleh agensi-agensi Kerajaan ini, dapat dipindahkan kepada Bumiputra. Pemindahan ini ialah dengan cara jualan, dan Kerajaan akan menerima balik sumbangan pelaburan yang dibiayainya.

...5/-

5.

4. Pelaksanaan Dasar Ekonomi Baru telah memberi faedah kepada semua kaum di negara ini. Kadar kemiskinan telah berkurang daripada 49.3 peratus dalam tahun 1970, kepada 30.4 peratus dalam tahun 1980. Mengikut harga tetap tahun 1970, pendapatan purata isi rumah, bagi semua kaum, di Semenanjung Malaysia dalam tahun 1973, ialah \$313 sebulan. Ini telah meningkat kepada \$459 dalam tahun 1979. Pendapatan purata Bumi-putra, telah meningkat daripada \$209 kepada \$309 dalam tempoh yang sama. Pendapatan purata kaum Cina ialah \$461 dalam tahun 1973 dan \$659 dalam tahun 1979, manakala bagi kaum India

6.

ialah \$352 dalam tahun 1973 dan \$467 dalam tahun 1979. Ini adalah pertambahan daripada 37 peratus kepada 40 peratus, jumlah saham

5. Dengan usaha-usaha Kerajaan dan kemampuan Bumiputra yang meningkat, tabungan atau simpanan Bumiputra di dalam institusi kewangan telah bertambah. Dalam tahun 1979, <sup>atau simpanan</sup> tabungan Bumiputra dalam institusi-institusi kewangan ialah \$6.3 ribu juta.

6. Dalam pemilikan saham, milik bukan Bumiputra telah bertambah daripada \$5.8 ribu juta dalam tahun 1971, kepada \$10.6 ribu juta dalam

...7/-

7.

pelaksanaan Dasar Ekonomi Baru. Pencapaian 40 tahun 1980. Ini adalah pertambahan daripada peratus pemilikan saham oleh bukan Bumiputra, 34 peratus kepada 40 peratus, jumlah saham bukan sahaja satu perkara yang harus disedari syarikat. Milik saham Bumiputra dan agensi amanah, telah bertambah daripada \$280 juta atau 4.3 peratus dalam tahun 1971, kepada \$3,237 juta atau 12.4 peratus dalam tahun 1980. Milik Bumiputra dalam tahun 1980, adalah terdiri daripada 4.2 peratus saham individu, dan 8.2 peratus ialah saham syarikat amanah.

7. Perangkaan ini, jelas menunjukkan

8. Dengan kedudukan ekonomi kaum  
bahawa semua pihak telah mendapat faedah daripada  
Bumiputra yang bertambah baik, serta prestasi

....8/-

8.

pelaksanaan Dasar Ekonomi Baru. Pencapaian 40 peratus pemilikan saham oleh bukan Bumi putra, bukan sahaja satu perkara yang harus disedari oleh bukan Bumiputra, tetapi mereka juga harus menyedari, bahawa usaha-usaha bagi meningkatkan peratusan bagi Bumiputra, mesti dipergiatkan lagi. Walaupun saham milikan Bumiputra telah bertambah, tetapi angkanya masih lagi rendah, bagi mencapai matlamat sekurang-kurang 30 peratus saham milikan Bumiputra, menjelang tahun 1990.

8. Dengan kedudukan ekonomi kaum Bumiputra yang bertambah baik, serta prestasi

...9/-

9.

syarikat amanah yang menggalakkan, masanya  
telah sampai dan sesuai, bagi Kerajaan memulakan  
pemindahan hakmilik saham kepada Bumiputra.

Pindahan hakmilik saham kepada Bumiputra,  
bukanlah satu dasar atau konsep baru. Ia adalah  
salah satu amanah dan janji Kerajaan, ketika  
melancarkan Dasar Ekonomi Baru. Tujuannya,  
saya tegaskan, ialah untuk mengimbangkan  
kedudukan Bumiputra dengan bukan Bumiputra.

...10/-

9. Dasar pindahan hakmilik saham, telah digubal dengan teliti oleh Kerajaan. Ini adalah untuk menjamin supaya faedah daripada dasar ini, akan dinikmati oleh rakyat Bumiputra seberapa ramai yang boleh, lebih-lebih lagi mereka yang berpendapatan rendah. Saham yang dipegang oleh Kerajaan, akan dipindah milik kepada tiga golongan, iaitu (1) individu-individu Bumiputra, (2) pihak pengurusan dan pekerja syarikat amanah, dan (3) institusi, koperasi dan syarikat Bumiputra.

10. Pemindahan hakmilik saham Kerajaan kepada individu-individu Bumiputra, akan dilaksanakan melalui satu Sekim Amanah Saham Nasional, yang dikendalikan oleh Yayasan Pelaburan Bumiputra. Sekim ini, akan membuka peluang bagi Kaum Bumiputra menikmati faedah-faedah yang lebih lagi, daripada pemilikan saham syarikat-syarikat, yang selama ini tidak dinikmati sepenuhnya oleh mereka kerana sebab-sebab tertentu.

Bagi pelaksanaan Sekim ini, Yayasan akan mendapat sebahagian besar daripada saham yang akan dipindah milik. Bagi permulaannya, <sup>552</sup>~~594~~ juta saham Kerajaan, dalam 21 syarikat sedang

12.

dipindahkan kepada Yayasan ini, untuk dijual kepada Bumiputra, melalui Sekim Amanah Saham Nasional. Penjelasan lanjut mengenai Sekim ini, akan dibuat oleh YAB Timbalan Perdana Menteri, melalui Rancangan Ehwat Semasa di Talivisyen Malaysia esok, iaitu 10hb. Januari, ~~1981~~.

11. Persediaan sedang dibuat, bagi membolehkan Bumiputra membeli saham-saham Sekim ini, *tahun ini.* dalam bulan April, ~~1981~~. Individu-individu Bumiputra, yang berusia 21 tahun ke atas, adalah layak dan berpeluang membeli unit-unit saham amanah. Bagi menjamin sebahagian besar

...13/-

daripada rakyat Bumiputra mendapat faedah daripada Sekim ini, seseorang individu Bumiputra dihadkan memiliki 50,000 unit saham sahaja. Mereka yang tidak mampu membeli saham secara tunai, kerana sebab-sebab kemampuan, boleh menyertai Sekim ini dengan melabur saham secara ansuran. Untuk mengatasi masalah kemampuan juga, seseorang individu Bumiputra, boleh menyertai Sekim ini, dengan bayaran minima sebanyak \$10.00 sahaja. Seseorang pemilik amanah saham, boleh menjual balik sahamnya melalui wakil-wakil Amanah Saham Nasional yang dilantik. Dividen, sekurang-kurangnya

14.

10 peratus setahun, dan bonus dari masa kesemasa, akan diberi kepada mereka yang menyertai Sekim ini. Sehingga tahun 1990, harga jual-beli saham-saham ini ialah \$1.00 bagi satu saham.

12. Sekim Amanah Saham Nasional membolehkan kaum Bumiputra melabur, serta mendapat didikan, mengenai selok-belok pelaburan saham. Yayasan Pelaburan Bumiputra akan menjamin, supaya tabungan dan pelaburan Bumiputra terus berkembang dan meningkat, sejajar dengan kehendak dan matlamat Dasar Ekonomi Baru. Yayasan Pelaburan Bumiputra akan menjadi agensi

.....15/-

15.

utama, bagi menggembeling dan melabur tabungan individu Bumiputra.

13. Peranan dan tanggungjawab Yayasan

Pelaburan Bumiputra, dan badan-badan di bawahnya,

adalah penting dan berat sekali. Mereka adalah

diamanahkan, supaya menjalankan segala usaha dan

kegiatannya dengan penuh tanggungjawab dan

kejujuran. Ini adalah jaminan Kerajaan. Amanah

ini hendaklah dipelihara, oleh setiap anggota

Yayasan dan badan-badan di bawahnya.

14. Sebagaimana yang telah saya sebutkan,

sebahagian daripada saham-saham Kerajaan akan

....16/-

16.

dijual kepada anggota pengurusan dan pekerja syarikat-syarikat amanah itu sendiri. Ini termasuklah Bumiputra dan juga Bukan Bumiputra. Langkah ini adalah sebagai penghargaan, terhadap sumbangan mereka, dan sebagai galakan bagi mereka, untuk terus memberi sumbangan cemerlang, dan berusaha untuk meningkatkan lagi prestasi syarikat.

15. Sebahagian daripada saham-saham Kerajaan akan dijual kepada institusi, koperasi dan syarikat Bumiputra. Prinsipnya juga ialah, untuk membolehkan penyebaran saham ini dinikmati

17.

secara meluas.

16. Di sini, sukacita saya merakamkan penghargaan, kepada pengurusan dan pekerja syarikat amanah dan agensi-agensi Kerajaan. Mereka telah berusaha dengan tekun dan didikasi, untuk menjamin prestasi yang tinggi bagi syarikat-syarikat amanah. Ini telah membolehkan dasar pindahan hakmilik saham ini, dilaksanakan. Saya harap, mereka akan terus bertekun dan berusaha, supaya Sekim yang sedang dilaksanakan ini, mendapat kemajuan dan kejayaan yang diharapkan.

...18/-

18.

*hendak*

17. Saya juga <sup>hendak</sup> mengingatkan semua pihak yang terlibat dengan pelaksanaan Sekim Pindahan Hakmilik, bahawa pelaksanaan Sekim ini, adalah satu proses bagi menunaikan amanah dan janji Kerajaan kepada rakyat. Setiap perbadanan Kerajaan yang ditubuh untuk melaksanakan dasar ini, adalah pemegang amanah. Matlamatnya ialah, untuk membolehkan Bumiputra mendapat faedah daripada pemilikan saham. Hakikat ini hendaklah sentiasa menjadi panduan bagi pihak-pihak yang berkenaan.

18. Saya harap, Sekim Pindahan Hakmilik Saham ini, akan benar-benar mendapat sambutan dan sokongan yang diharapkan, daripada semua

19.

pihak. Di sini, saya mengambil peluang untuk mengucapkan terima kasih, kepada parti-parti komponen Barisan Nasional, dan ahli-ahlinya, yang telah sama-sama memberi sokongan kepada Dasar Ekonomi Baru dan Sekim ini, sebagai satu alat pencapaian matlamatnya.

19. Sekim Pindahan Hakmilik Saham kepada Bumiputra, ialah Sekim Bumiputra sendiri. Ia bukan semata-mata Sekim Kerajaan. Kerajaan telah mengambil langkah-langkah untuk menyediakannya, tetapi kejayaannya adalah bergantung kepada Bumiputra sendiri. Sekim ini adalah Sekim mereka. Kejayaannya terletak

....20/-

di tangan mereka. Saya menyeru kaum Bumiputra untuk mengambil peluang yang terbuka, melalui pelaksanaan Sekim Amanah Saham Nasional ini. Mereka hendaklah menunaikan tanggungjawab mereka, dan melabur secara aktif melalui Sekim ini. Kerajaan akan membuat apa-apa jua perubahan dan penyesuaian yang perlu, dari masa ke semasa, bagi menjamin dasar pindahan hakmilik saham ini, mencapai kejayaannya. Kerajaan juga tidak akan teragak-agak untuk mengambil tindakan yang wajar, ke atas mana-mana pihak, yang mengambil kesempatan daripada Sekim ini untuk kepentingan diri atau menjejaskan pencapaian matlamat yang telah ditetapkan.

21.

20. Sekali lagi, saya menegaskan bahawa perseimbangan kedudukan ekonomi antara kaum, adalah jaminan perpaduan dan masa depan negara.

Saya penuh yakin, Rancangan Pindahan Hakmilik Saham ini, akan menjadi alat yang berkesan, kearah mencapai matlamat perpaduan dan kemakmuran negara. Akhir kata, saya dengan segala sukacitanya, mengumumkan dengan rasminya, Rancangan Pindahan Hakmilik Saham, dan berdo'a kehadiran ALLAH diatas kejayaannya.

\*\*\*\*\*

~~UCAPAN ADHO~~

~~618 - 3/81~~



No Siri	512
No Penerimaan	116/81